

Dumonda Horrer concernent contracts da garanzia en connex cun la sentenza dal Tribunal federal 2C_523/2020 dals 4 da november 2020

Ils ultims onns ha la disputa fiscala da l'investider Remo Stoffel, che abita en il fratemp a Dubai, cun il chantun Grischun procurà adina puspè per lingias grossas (guardar tranter auter en: «Wirtschaftskriminalität: Bedingte Freiheitsstrafe für den Unternehmer Remo Stoffel», NZZ dals 28-07-2020, online: <https://www.nzz.ch/zueroch/zueroch-bedingte-freiheitsstrafe-fuer-unternehmer-remo-stoffel-ld.1568605?reduced=true>). Il Tribunal federal è s'occupà da la fatschenta en pliras sentenzias. En la sentenza 2C_523/2020 dals 4 da november 2020 ha il Tribunal federal tractà tranter auter la dumonda da la disposiziun da sequestraziun che l'Administraziun da taglia dal Grischun ha relaschà, perquai che l'investider numnà è partì per abitar a Dubai. La summa da sequestrar era 50 milliuns francs. Ina procedura penala da l'Administraziun federala da taglia pervia dal suspect da l'omissiun fiscala è stada la basa per la disposiziun da sequestraziun menziunada. En la sentenza vegni scrit en chaussa:

«En quest connex han il pajataglia, l'Administraziun federala da taglia, l'Administraziun da taglia dal chantun Grischun, l'Administraziun da taglia da la vischnanca dad U._/GR e l'Uffizi da taglia dal chantun Turgovia sco credituras sco er l'avocat dr. B. _ sco depositur fatg ils 27 / 28 da mars 2013 in contract davart il deposit d'ina garanzia (en quai che suonda: contract da deposit).»

En il passà han la bonitad respectivamain la valor exacta da las activas da Remo Stoffel adina puspè chaschunà discussiuns publicas. Ultra da quai resorta d'in rapport da la Handelszeitung («Stoffel, die Steuerbehörden und ganz viele Akten», Handelszeitung dals 10-11-2016, online: <https://www.handelszeitung.ch/unternehmen/stoffel-die-steuerbehoerden-und-ganz-viele-akten-1261033>), ch'il «depositur» da las activas depositadas tenor la disposiziun da sequestraziun saja l'avocat dr. iur. e cusseglier dals chantuns Martin Schmid. Sin fundament da divers rapports en las medias (guardar tranter auter: «Ständerat Martin Schmid muss bei einer möglichen Bundesratskandidatur Vergangenes bereden», NZZaS dals 29-09-2018, online: <https://nzzas.nzz.ch/schweiz/staenderat-martin-schmid-muss-bei-einer-moeglichen-bundesratskandidatur-vergangenes-bereden-ld.1424349?reduced=true>) èsi enconuschent publicamain ch'il cusseglier dals chantuns Martin Schmid e l'investider Remo Stoffel enconuschian in l'auter persunalmain e ch'els han colliaziuns economicas. Sut quest aspect supplitgeschan las sutsegnadras ed ils sutsegnaders la Regenza da responder las suandantas dumondas:

1. Quant autas èn las pretensiuns avertas totalas dal chantun envers l'investider Remo Stoffel? E nua èn questas pretensiuns bilantschadas en il quint annual?
2. Il chantun ha confiscà respectivamain sequestrà differentas activas dal construct da firmas da signur Stoffel (tranter auter Priora SA). Quant aut valitescha il chantun las activas confiscadas?
3. Tge garantias ha il chantun Grischun, sch'igl avess da sa mussar che las activas han ina valor bler pli pitschna che supponi?
4. Tge rolla ha il cusseglier dals chantuns ed anteriur cusseglier guvernativ Martin Schmid en connex cun ils contracts da garanzia e cun la valitaziun da las activas confiscadas da Remo Stoffel?
5. Ils cussegliers dals chantuns represchentan tenor la Constituziun federala ils interess dal chantun. Co ha il chantun Grischun garantì ch'il cusseglier dals chantuns Martin Schmid represchentia effectivamain ils interess dal chantun en quest cas – en vista a sia enconuschientscha persunala cun signur Remo Stoffel – e ch'el adempleschia sia incumbensa costituziunala sco cusseglier dals chantuns?

Tavau, ils 16 da zercladur 2021

Horrer, Müller (Favugn), Perl, Atanes, Baselgia-Brunner, Cantieni, Caviezel (Cuira), Gartmann-Albin, Preisig, Rettich, Rutishauser, von Ballmoos, Wilhelm, Spadarotto, Stieger, Tomaschett (Cuira)